

պատմութեան, որ կրփափագէիր շարադրուած տեսնել,—այդ մասին են քեզ յետոյ կըգրեմ. իսկ վասն դպրատուն հաստատելոյ ըստ երոսական լեզուաց, այսպէս գիտասօլիք, զի մեր լեզուաւս դպրատուն, զոր ունիմք ի սուրբ Աթոռոջս՝ հազիւ պահեմք հաստատուն, ըստ որում չէ մեզ ձեռնտու որպիսութիւն և կացութիւն երկրիս: Ինչ ինչ որ վերաբերում է մի այնպիսի դպրոց հաստատելուն, ուր երոսական լեզուներ էլ աւանդուէին, իմացիր, որ մենք ունինք Մայր Աթոռում մի դըպրատուն մեր լեզուն ուսուցանելու համար, բայց այդ էլ հազիւ ենք հաստատուն պահում, որովհետեւ երկրիս որպիսութիւնն և կացութիւնը ձեռնտու չեն մեզ: Այդ մի դժուար գործ է այժմ, իսկ յետոյ ինչ կլինի — Աստծուն միայն յայտնի է:

Յովսէփ արքեպիսկոպոսի ցանկութեամբ կաթողիկոսը հասցնում էր նրան զանազան գրքեր ու ձեռագիրներ և շատ խելացի խորհուրդներ տալիս հրատարակելի գրքերի մասին:

Յովսէփ արքեպիսկոպոսին թողնելով Ռուսաց քաղաքական շրջաններում աշխատելու յօգուտ հայկական հարցի, Ղուկաս կաթողիկոսը այդպիսով չհրաժարուեց Ռուսաստանում գտնուած իւր եռանդուն ներկայացուցչի վերայ ունեցած ազդեցութիւնից: Այդ կողմից միանգամայն ինքնուրոյն մնալով, նա ինչպէս երևում է դօքտ. Բէյնեզսի քաղաքական յանձնարարութեան արդիւնքներից, Յովսէփ արքեպիսկոպոսի ձեռքում կոյր գործիք չդարձաւ նոյն իսկ այն դէպքում, երբ վերջինս գործում էր Ռուսաց կառավարութեան նախաձեռնութեամբ և առաջարկութեամբ: Հայերի գաղթը Ռուսաստան, Նախիջևան և Գրիգորիոպոլ քաղաքների հիմնարկութիւնը, հոգևոր ատեանի հաստատութիւնն Աթտարխանում և ռուսաբնակ հայոց նոր թեմի ներքին վարչութեան ուրիշ գործերը կաթողիկոսի շարատեւ հոգատարութեան առարկաներ էին և նիւթ նրա թղթակցութեան սրբազանի հետ:

Սակայն այդ գործնական խնդիրներից դատ՝ Ղուկաս կաթողիկոսն իւր շնորհալի աշխատակցի հետ նամակներ փոխանակելիս, մանաւանդ վերջին տարիները, ստէպ ստէպ չօչափում էր և նրա առաջադի հարցը: Յովսէփ արքեպիսկոպոսը ինքն էլ մտատանջ էր լինում այն մասին, թէ ինչ կերպով պիտի շարունակէ հայաստանեայց եկեղեցուն ծառայել: Նա փափագում էր մի օր բազմել Էջմիածնի Մայր Աթոռ վրայ, որի բարձունքից կարող էր մի աւելի լայն ասպարէզ բանալ ծա-